

ԱՆՔԼԻԱԿԱՆ ԵԿԵՂԵՑԻ

— Քէնսրքրիչի եկեղեցական համաժողովը գումարուել է սեպտեմբերի 27—30, ն. տ., Այդ 50-րդ ժողովն է։ Անգլիական ազատ եկեղեցականների իւրաքանչիւր տարի գումարուող այս ժողովների յիսնամեայ յօբելեանը առիթ եղաւ հռետորներին իրանց ճառերում, թէ ժամերգութեան և թէ համաժողովի բացմանը ակնարկ ձգել անցած ժամանակի վերայ և անցեալից դաս առնել։

Ճառեր խօսել են Յեօրքի արքեպիսկոպոսը, որ ցոյց տուեց համաժողովների բարոյական ազդեցութիւնը եկեղեցական կեանքի վերաբերութեամբ։ Այդ տեսակ ժողովներում, առաց նա, զանազան հայեացների տէր մարդիկ դէմ յանգիման գալով, պարզում են իրանց մաքերը դէպի եկեղեցին՝ ընդհանուր սիրով և համերաշխութեամբ համակուած։ Այս բանի շնորհիւ հնումն այնպէս խիստ որոշ ուղղութիւնները, որ եկեղեցում յայտնի էին «բարձր», «ստոր» «լայն» եկեղեցիների յորջորջմամբ, այժմ զգալի կերպով սկսել են միաձուլուել։

Եկեղեցական կեանքում այս համակցութիւնը զարգացնելու համար, եպիսկոպոսը անհրաժեշտ է համարել ինքնավարութեան զարգացումն, կարգի ու կարգապահութեան զօրացումն, առ եկեղեցին պարտաւորութիւնների աւելի խոր հասկացողութիւն և միութեան աւելի ջերմ հոգի։ Եկեղեցում առ պետութիւնն յարաբերութեան մասին հռետորը յայտնեց, որ ներկայ հանգամանքում այդ յարաբերութիւնը պէտք է վերակազմել ոչ թէ նոր օրէնքներով, այլ փոխադարձ խորին յարգանքով իւրաքանչիւրը իւր կարգում։ . . .

Համաժողովի ծրագիրն է, վերահսկողութիւն ընդհանուր աղօթագրքերի, տանը և դպրոցում կրօնական դաստիարակութեան, եկեղեցու միութեան, և ոչ-եպիսկոպոսական հասարակութեան հետ յարաբերութեան վերայ։ . . .

